



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Nobili Viro A. Dvci.

**urn:nbn:de:hbz:466:1-20006**

# Romani Pontificis Lib. I.

5

gravatum, & tam in temporalibus quam in spiritualibus non modicum immunitum, impendere procurasti, multa fui- mus exultatione repleti, & solicitudinem tuam magnis in Domino laudibus commendantes, quam & ipsius Abbatis nuncius in praesentia dilectorum filiorum P. tituli sanctae Ceciliae Presbyteri & G. sanctorum Cosmae & Damiani Diaconi Cardinalium, quos ei concessimus auditores, laudabiliter commendabat, asserens tamen quod idem Abbas contra ordinationem tuam in nullo venerat, aut venire volebat. Nos igitur ratum habentes & firmum quod circa quasi desperatam curationem supradiicti monasterij à te laudabiliter statutum esse dignoscitur, praesentium tibi auctoritate mandamus, quatenus constitutionem in eodem monasterio per tuam prudentiam factam irrefragabiliter facias observari, contradictores, sicut expedire videris, ecclesiastica censura compescens. Verum quia praefatum monasterium de negligentia & gravi culpa praesidentis Abbatis ad horribilem diminutionem & inopiam affterit devolutum, ut omnis occasio scandalorum tollatur de medio, & locus ille recepto peroptato reformationis solatio valeat aliquando respirare, volumus atque mandamus ut si predictus Abbas, sicut tuis literis intimasti, ordinationem tuam impedivit aliquatenus, vel turbavit, praelertim cum manifeste sit de dilapidatione suspectus ac etiam infamatus, eum usque ad personationem debiti à monasterio ipso locilater & ab ipsius administratione amoveas, & in cella qua est Padua, facias in necessitatibus provideri. Quod utique si ipse adimplere forte contempserit, eum ad id omni contradictione, appellacione, & excusatione cessante, per censuram ecclesiasticam auctoritate nostra compellas. Dextrariis autem, & aliis equis, quos idem Abbas habere dignoscitur, in manibus tuis receptis, & venalitati suppositis, ut de illorum precio pars debiti, prout expedit, persolvatur. Præterea noveris ad nostram audientiam pervenisse quod postquam N. monachus praesentium lator ad Romanam Ecclesiam iter arripuit veniendi, prætaxatus Abbas in contemptum apostolica sedis & nostrum, eum officio beneficio que pro sua voluntate suspendit, & administratio ne, quam habebat in cella qua est apud

Ferrariam, eundem sua temeritate privavit. Quod utique grave admodum & molestum ferentes, fraternitati tuae per praesentia scripta mandamus, quatenus, si verum est quod afferitur, officium, & beneficium, necnon & administracionem, quam idem monachus prius noscitur habuisse, illi auctoritate nostra restituas, & facias pacifica possessione gaudere. In expensis etiam moderatis, quas veniendo ad Romanam Ecclesiam fecisse perpenditur, de bonis monasterij eidem facias provideri. Datum Laterani iij. Nonas Februarij.

## ILLVSTRI REGI VNGARIAE.

**E**am de serenitate regia fiduciam obtinemus, ut quæ à nobis postulat, justè posse credamus & honestè compleri. Eapropter carissime in Christo fili tuis precibus annuentes, monasterium illud, quod B. quondam Comes de Bichor ædificare incepit, & morte præventus consummare non potuit, in locum tutiorem & magis idoneum transferendi, si de assensi diocesani Episcopi fieri poterit, liberam tibi concedimus auctoritate apostolica facultatem. Nulli &c.

## NOBILI VIRO A. DVCI.

**L**icet universis liberum sit arbitrium in votando, nec necessitas in votis locum habeat, sed voluntas, usque adeo tamen solutio necessaria est post votum, ut sine propriæ salutis dispendio alicui resilire non liceat ab his quæ sponte ac solenniter repromisit. Accepimus siquidem quod cum inclitæ recordationis B. quondam Rex Vngarie pater tuus ageret in extremis, & de sua penitus convalescentia desperaret, votum quo voverat Domino Hierosolymitan. provinciam in forti manu & brachio extento, corde tamen humili, & humiliato spiritu, visitare, sub intermissione maledictionis paternæ commisit tuæ fidei exequendum, & tu intellecta pia voluntate parentis, assumptio crucis signaculo, te id impleturum fine dilatione qualibet promisisti. Verum eodem patre tuo sublato de medio, cum Hierosolymitanum inter te accipere simulasses, assumptæ peregrinationis oblitus, quam contra inimicos crucis dirige rebueras, in fratrem tuum & regnum

Epist. 9.  
De transferendo monasterio quod B. quondam Comes de Bichor ædificare incepit, ad loca tutiora,

Epist. 10.  
De prosecutio ne voti Regis Vngarie patris sui defuncti.

A iij

## 6 Epistolarum Innocentij III.

Vngariae convertisti aciem bellatorum, & multa contra serenitatem regiam malignorum usus consilio commisisti. Nos autem, quos diebus istis ad pontificatus officium, licet immeritos, Dominus evocavit, tam paci regni Vngariae quam tuæ volentes saluti consulere, nobilitatem tuam rogamus, monemus, & exhortamur in Domino, ac per apostolica tibi scripta præcipiendo mandamus, quatenus postpositis ceteris sollicitudinibus, usque ad festum exaltationis sanctæ crucis proximè venturum, debitum acceptæ crucis exolvens, propositum iter arripias, & humiliter prosequaris; ne si onusti à patre injunctum, & à te sponte suscepimus, occasione qualibet detrectaris, paterna te reddas successione indignum, & hereditatis emolumen- to priveris, cuius recusaveris onera sup- portare. Sciturus ex tunc anathematis te vinculo subjacere, & jure quod tibi, si dictus Rex sine prole decederet, in regno Vngariae competebat ordine ge- nituræ, privandum, & regnum ipsum ad minorem fratrem tuum appellatio- ne postposita devoluendum. Datum Laterani iv. Kal. Februarij.

*HIEROSOLYMITANO PATRIARCHÆ  
& suffraganeis ejus.*

Epist. II.  
De promotione  
Domini nostri  
Pape, &  
negocio ter-  
tia.

**R**ex Regum, & Dominus dominan- tium, qui prodigia facit in cœlo iuriis, & in terra deorsum, omnipotentiæ sua jugiter operatur indicia, Ecclesiam suam per varias substitutiones Pontificum mirabiliter innovans, & no- va semper prole fecundans; & sic se- nium ejus sua virtute consumens, ut his qui fideliter in ipsius regime militave- rant, ad aeternæ felicitatis bravium evo- catis, filios suscitet in parentes, & in no- vam infantiam rubiginem transferat ve- tustatis. Inter cerera siquidem incom- prehensibilia divinae dispositionis judi- cia & investigabiles vias ejus, magna miserationis esse credimus argumentum, quod sic à tædio sollicitudinum & curarum momentaneæ mortis compendio prædecessores pro meritis repensu- rus absolvit, ut egenum de pulvere sus- citatum & pauperem erectum de sterco- re sedere faciat cum principibus, & so- lium Petri, quo nihil est inter homines gloriósius, obtinere; ut post vespertino- nos fletus lætitia matutina succedat, &

Ecclesia super parentis obitu substitu- tione filij consoletur; sicut diebus istis de nobis à Domino factum est, & est mi- rabile in oculis nostris. Sanè felicis me- moriae Celestino patre ac prædecessore nostro V I. Idus Ianuarij viam universæ carnis ingresso, & in Lateran basilica ho- norificè tumulato, tanta fuit inter fra- tres nostros super Pontificis substitutio- ne concordia, ut eo cœlitus ipsorum de- siderii aspirante qui facit utraque unum & concurrentes parietes in se angulari lapide copulavit, omnes uni- versaliter unum saperent, & idem singu- lariter postularent, nos in Summum Pon- tificem ipso die depositionis ejusdem prædecessoris nostri unanimiter assu- mentes. Nos autem in eo ponentes spem nostram qui beatum Petrum in gubernatione fuarum ovium confirmavit, & apostolis reprobatis, dicens, *Ecce ego vo- biscum sum omnibus diebus usque ad con- summationem seculi, ecclesiastice solici- dinis onus, licet insufficiens, affump- sum, non de nostris meritis, sed divina potius miseratione sperantes, quæ vocat ea quæ non sunt tanquam ea quæ sunt, & perficit laudem ex ore infantium & lactentium.* Attendentes igitur quam alto divinitatis consilio Deus Rex noster ante secula salutem in medio terræ di- gnatus est operari, solvens in ea septem libri signacula, quem nemo potuit aperi- re, nisi Leo de tribu Iuda, vos, qui ter- ram ipsam suscepistis ab eo spiritualiter gubernandam, specialiter per literarum nostrarum primitias duximus visitan- dos; monentes attentiū & exhortantes in Domino, ut flagellum, quo vos & in vobis totam Ecclesiam Dominus visita- vit, patienter & humiliter supportan- tes, id nostris & vestris meritis impun- tis, qui peccatorum nostrorum clamoribus indignationem ejus nunquam desis- sumus provocare. Certos enim nos pro- phetica reddit auctoritas, quod si am- bulasssemus in lege Domini, & veram spei nostræ fiduciam posuisssemus in eo qui respicit terram, & facit eam tremere, tangit montes & fumigant, unus nostrum mille & duodena millia hostium effugasset. Ut igitur dolor noster & ve- ster in lætitiam & tristitia in gaudium convertatur, immolemus Domino su- per aram cordis intentionem, & super altare corporis opera nostra; quæ sua sunt, non quæ nostra, quærentes. Nisi